

1382



秋澗先生大全文集

七


Inches 1 2 3 4 5 6 7 8



Centimetres 1 2 3 4 5 6 7 8 9 10 11 12 13 14 15 16 17 18 19

Blue Cyan Green Yellow Red Magenta White 3/Color Black

TIPPEN Color Control Patches

© The Tiffen Company, 2007





秋澗先生大全文集卷第二十三

七言律詩

贈西雲上人 系海雲高弟

前日賓筵偶迹披觀一言當機口有不能
言者如雲之在天水之在鉞不復喻其快
也謹裁鄙詩奉為上人一喙某和南

吏用公才不易逢茶烟都颺落花風登壇懸斷群機
息面壁傳心萬法通慧眼正來珠媚浦浮雲飛盡月
當空虎溪公案元瀟灑會約松軒一笑同

謝岳昭文惠新曆

憂破敲門蝶栩栩一編星曆衍堯天人憐短景催窮
臘斗轉嚴城永日躔天外春回龍集闈林梢香動紫

生烟迢迢細付宮壺漏正是昭文進德年

跋祈真人畫像

何處人間有洞天青藜曾探寶珠玄柱頭留語疑遼
鶴物外孤吟覓閬仙木食草衣元澹泊竹風松月自
清圓壽宮舊有燒丹竈空憶靈砂漬夜泉

送安叅政南還汴梁

并序

叅政安公與僕定交於中統初元契濶者
廿寒暑大德戊戌春邂逅於京師樽酒談
話追憶疇昔念故舊之彫零感歲月之易
邁情不能已者謹以唐律為贈既光回旆
且寓愚意之所託云

黑頭蚤插侍中貂當日雲霄一羽毛忠翊殿庭稱謹

密量吞湖海見雄豪風雲臺統調元鼎玆奉光含切
王刀此去斯文應有記豐碑還擬泰山高

題南塘居士宋公畫像卷後

南塘結夏水芝香對展蘇黃拜燕堂文獻在公推故
舊琴罇娛客儘徜徉傷心此日空圖像照眼庭階失
鴈行白首那堪題往事未容枯筆涕先滂

跋東門祖道圖二首

東門祖帳盛官儀淠淠鸞旗動漢驂燕几道尊邊有
踐碧空雲靜日重暉飄瀟物表桑榆境洒落人間寵
辱機東海西邊兩丘土至今圖畫見宮闈

二踈心迹本鴻冥解絃東還弊屣輕劔履中朝何百
位風雲高駕渺雙旌問金奚有田廬計歸夢都忘籠

辱驚詔獄悖然賢傳死匪勞明主問蕭生

奉和寅甫學士九日迎

蓋北口高韻

青山紅樹映晴霓王削方臺積粟西不憚坡陀屢登
陔喜陪朝謁共扶携霜風偃薄千林靜雲海蒼茫萬
象低心自屏營瞻戀切佩聲長在筍班齊

翠華南下拂雲霓駐驛軍都漢縣西龍虎臺高驚峻
絕蓬瀛人老許扶携共扶携進九天日月瞻光近万
國風烟入望低佳節迎
塞得清賞牛山初不羨東齊

過趙匏瓜林墓

靄靄停雲自所思樂天池上獨來時匏瓜散落和雲

扶踈醉移樽酒草堂前日夢山叢桂

猿悲因憶桓伊事却撫箏為解頰

長至日即事

睡起闌來催賀節牙牙紅點鴈成行灰飛琯透千門
暖繡刺功添一線長極壽百年驚過半從心七秩有
三霜發身不羨錢神潤要把青箱付宦郎

挽平章御史中丞克齋公

多冠高聳絳為韞霜色橫空一鶚秋癘鬼遠來
露泰山歛裂駭黃泥氣從温造行間見魂逐龍
下游反袂兩行知已淚黃雲蓑草夢西州

州者蓋關取羊
曇西州門事也

哭挽母弟略監使

分携洹水儘離愁誰料儀真是徹頭留別有詩驚吐
咄逝波無夢便悠悠遠遊不負江山興鞭
疇老子慮來非一事后溪溪上暮山

雪後即事

一雪都城二尺強桂珠生事日尋常群鳥慘慘飛不
下萬木林林凍欲僵頭戴鶻冠茸潦倒氣
泥截為得放歸田去亦是明時盛事

即事

湘雲

月二首

是日先府君明忌日

玳果犀錢粲洗盆瑣窻香霧濕湘雲春風暖透青綾
被初度祥開具葉文輝竹翠含筠穉嫩倚蘭紅茁露
芽芬細裁百疊清江錦留待鞶囊備悅紛
彩檻移春照綺窻酒舫浮臙進中堂負暄比叢茄擔
日燕窠先分鈿机香缸爐翠凝鏤鳳螭蘭膏春滿洗
兒湯碩應吾父情鍾愛一笑燈前撫坐床

送杜熙正省掾考滿授四川省都事

扣門有客稱熙正政滿西歸得蜀除照眼鄉鄰素曲
好趨程閣道劔門煙烟霄顧接新姚李黑業紛翻旧
簿書鄭重故人高左轄雪山清興近何如

聞長春宮溪水復至

臨漪門外碧波灑又見分流入道宮閬苑煙霞增景
氣寶玄松桂動春風忘機靜翫沙鷗雪潤物中涵上
善功道脉川流元一致滔滔東注浩無窮

謝徐容齋贈梅

燕釵宮頷蠟粧勻夢統羅浮雪裏村持贈一枝遮老
眼淡依踈影度黃昏風沉燈下佳人面瀟灑吟邊竹
葉擗我老忘情被花惱曲解深鎖惜芳温
容齋清節揚州遜贈我官梅興寄深宮額黃嬌渾綴
蠟綺牕香淡不盈襟春融壺浸催先發雪壓溪橋億
練尋節含玉堂初不問似將渠表歲寒心

吊鄭徵君說心

江南饒州人將年四十五以氣疾死大都官舍善五星

有易學注鄭氏新說

春風雙節入閭門吳市東鄺遇異人太易有靈蟠化
筆天星飛跳見凝神燈幽窈窕室驚鴛媧畫槎泛銀潢掛
浙津反袂兩行尼父浚定中臺下泣吾麟

范徽卿風雪和林園

天策桓桓控上游邊庭都付晉藩籌河山表帶連中
夏風雪洪濛戎北樓笑着奇謀收藥籠未妨民賦課
甌婁丈夫志在飛而食不讓班超定遠侯

題劉處士墓碑後

劉君襟韻晉人清著舊風流有典刑三代鼎彝寶噩
噩一家鴻鵠自冥冥曾中素貯文康訓雲際曾瞻處
上星花落草堂人去後隣翁時過看埋銘

大德二年冬十一月同昭文大學若思登

太史新臺周覽儀象久之而不待行者姓
子公特

徙倚靈臺万象新仰窺圓蓋偃鰲膜龍衝都柱驚坤
軸望入星纏候北辰日袂陽烏符益晷春浮元氣上
儀輪思侔玄化稱平子太史于今恐後身

贈不蘭奚侍御

奕世威名大樹瀟孫支騰秀見英標肅清吏黠懷三
畏摩拊民瘼入六條烏府共推清廟器黑頭行棹侍
紹仕優政有詩書樂洗耳齊芋聽舜韶

廣平毛巨源壽萱堂

百頃無尊五福榮華堂高揭綠萱名鳳花雅負忘憂
酒香翻壽觥蘭玉照庭連秀色珮環合節有

東風細颺簾旌繡會見鸞書下玉京

張子惠母夫人手卷

夫人內治日嚴貞省定歸時有訓懲孝感庭闈深色
養德融民社見春疑凱風吹棘心何切宿草含輝樂
不勝七子有材俱茂異慶門從此福川增

王太君授誥正月十四日拜慶家庭

隆福宮深淑景長今年壽席倍恩光鸞迴紫誥擎
來重花霞潘輿暖更香象服委佗儀範速
兩宮朝賀佩環鏘細傾洗玉池邊酒常領春風拜
北堂

送趙提舉仲遠之順昌縣尹

望入江城鴈影翩春風吹上洞庭船幾年戰藝東湖

卷二十三
上一日觀光北斗邊勝賞莫誇王勃序吟鞍歸鳥繞
朝鞭詩雖六義功非易未厭蟲魚學鄭箋

送李司馬任順德總尹

司馬桓桓漢徽侯十年藩府佐邊籌氣凌朔漠三秋
雪人在元龍百尺樓已濟時艱完大節又宣風化入
南州知君致澤平生事行聽民謠擁入驄

順德道中

魏勃何人擁使軺鵲山東下半林皇清霜原野鵬盤
健明月關河馮影高遊宦有心空載質宰平無業漫
操刀黃金臺上燕昭相甘為摠衣授六韜

贈中山賈仲器

刻書工賈仲器中山求平人諱德王為

人誠信多巧思平生好讀許慎說文識
解字意故刊書際多所助益衆工讓能
推為方今第一手近趙人木甲氏亦稱
善碑刻者膠書紙於石立鑄全文略不
失真未審與仲器所刻氣韻為如何也
賈今年近七旬技精不少裴白髮蒼顏
兩目鵠視侶耻與凡禽為羣耳來求詩
書此為贈

翠琰梁停有異觀曹生珉削近烏欄須知成已填書
藝信是春坊刻玉官千字誅精山鬼泣一鎗思苦夜
甚寒惜君不致山陰襖八法從渠入木看

己亥歲京師除夜

住京誰計畫，錢戀關心丹力不前干。祿自慚三釜，粟借車津遣五窮。舡故鄉此夜偏多感，衰鬢明朝又一年。乞得殘骸便歸去，草堂猿鶴已淒然。

庚子元日賀為嘉甫授徽政院長史

忠孝堂堂漢字孫，更忙相見每留髡。掃愁不為青藤酒，展賀來敲白版門。中議素高徵政府，清吟時接謝公墩。老夫幸有西池遇，東閣垂思合細論。

詩里平章公

漢家六合恢文治，雨露恩深到海涵。機務揀時傳世業，衣冠故里仰華簪。闔門飢凍心雖切，七秩歸休分亦堪。一語倘蒙天眄去，故山春滿讀書龕。

謹按遺山筆錄載梁氏家世甚詳中有云

斗南先 明昌二年進士為人讀書精

熟喜作 日幹局吏能剖繁治劇不肯下

一世人人 長於機務可謂有迺祖之風

矣故有傳世業之句

雲卿郎中方以嗣續致慮側聞弄璋喜作

詩為賀

平生陰德爛于門，况復昌黎一氣氲。詩夢占祥元有兆，大賢之後豈無人。蘭芽秀茁根初異，海藻生遲實自珍。我老喜為湯餅客，一樽光動竹亭春。

夢昇天詩

庚子春正月壬午日夜夢天風吹來星漢未曙梯雲上征極天宇而止予倚雲下視

倒景四垂滉漾滅沒有不可望焉者既而
覺清寒逼人神思飄揚毛髮為森豎也遂
躡空而下入道宮與張仙翁遇良久出翠
帟紫端相遺而悟聞夜漏下廿刻矣予平
日異夢甚多皆莫之比因作詩以記其祥
沉沉玉漏三更後鵬背扶搖九萬搏彤管夢傳江令
筆紫袍歸抱上巖端蒼溟赤日瞻天近碧落銀河照
眼寬欲躡帝關誰汝畫九霄風露不勝寒

庚子正月十一日夜夢
中丞崔公碩揖間已知身故談笑眇眇殆
若平生殊朗然也
宿霧紅蒸海日曛分明來與一樽同煙開紫檜門
外思遶金根豹尾中鉄柱高標臺闌在遊魂淒斷夜
堂空一宵鬼伯相催去天上人間獨有公

介郡君王大夫人壽

宝香鴛誥鬱宮羅春動麻姑送酒歌森玉堦庭花映
坐試燈門巷月舒波華筵燕喜乘軒貴白髮光陰得
壽多五福人間誰似得金盤傾露醉紅螺

送曠秀才奎東還廬陵序

奎家世吉州安成人幼讀父書弱冠游齊

四方歲丁酉由長沙泛荆湘沂巴蜀寓錦
城邂逅高相一見傾蓋留連二歲戊戌春
學士菊巖降香至蜀會於錦宮辱相知夜
雨連霖春風嘯詠別且贈以言而有
天都之約會有司以茂異舉達之風憲適
高相移鎮江浙附驥東來分携於驪山之
下臘月抵京師諸公協薦於春官但奎以
親老家貧倚門有望而動高堂式微之嘆
遂丐之當途欲安分義俾行省於學官委
任焉因廢嚴韻為餞且寄聲左相高公云
廬陵俊造以奎名投刺來登北海瀛白壁定交高祖
義錦宮持論蜀江清幾年書劍悲游宦一曲滄浪聽

濯纓聞說歐詹歸有得停雲回首夢柴荆

大德四年五月中旬余從太史郭君思求
畫周文公肖像者數日竟以事奪因作此
詩以見鄙意幸賜采覽

十年寤寐周公像幾嚮軒墀拜冕絃宗祖配天終北
面洗兵而雨見東征道存履馬歌狼跂天動威靈表
聖誠久矣吾衰嗟不復仰儀臺下候神初

賀威衛王公壽

威尉雁眉七秩春不車不杖曳朝紳氣嚴樞筦王猷
壯光動蛟龍羽翮新衛武賦詩伸傲抑康頰一飯見
精神因公重惜戲麟筆待與金城老寫真

無盡藏

山海沉雄斗極邊
江東匯玉為洲
停雲晴佇思親
望繡帟香翻上
冢紅山色水光無
盡極竹風松月共
清妍千年山立
梁中憲長與坡仙共一天

壽梁太夫人

雲開貞館桂華新
婺彩穿簾瑞靄氛
羽翼兩朝梁左
相起居八座太夫人香翻錦字鸞回
誥花滿金盃脯
擗麟聞說麻姑來獻壽一杯春露從平津

贈相士李達

蒼狗雲衣耐事何
都城風物閱人多
神光爛爛開崑
電法語琅琅振玉珂
每託奇顯觀慶曆
開評均幹過
銅駝春融不逐秋陽老
一笑西風付踏歌

題無名亭詩 并序

韓右司雲卿築亭於所居後園不侈不陋
面勢軒楹爽朗靖深窈而有容公餘盤礴
披玩法書名畫其間心適體胖冲然有得
所收家數內陳無名最為之冠其文甚
蔚如春雲出谷態度不一信可怡悅而友
也用扁為亭名且見夫主人平昔篤志立
行務造實理不事表襮之意喜為賦詩以
歌詠之其詞曰

朝回守口澹於餅觸事初無寵辱驚
道自上經元有
說顏瞻新扁本無營書傳遺帖三倉古
坡構高堂以
雪成快意只須揮麈議出門一笑大江橫

題萬知府瑞麥圖二岐至五岐者

汝南今歲麥連雲一氣祥蒸德化循春露潤含千壠
秀薰風披拂五岐新嘉禾共穎宜同頌神草聯莖恐
謾珍旌異穎川元有例會聽增秩佐經綸

送李景山宣慰夜即仍用 別詩韻

雪山瀘水兩迢嶢天暢恩威壯本朝萬卷堂中人寂
寂雙旌門外馬瀟瀟雄文喻蜀知無敵虎帳垂弔不
待招許國壯心如此健夜即風教儘敷條

感舊書懷

宮漏穿花隔掖垣彤庭雲靜鎖秋煙中堂載筆三千
牘玉署觀光四十年麟獲削成周柱史座寒誰憶廣
文壇應憐春草東郊思老馬何心覩二天

簾筆

貯雲含霧來江湘紗窠金盤舞鳳織裁剪細筒裝紫
穎卷舒彤管束紅簾鼠鬚挫銳藏燕拂內史傳經寄
道龕自是陸卿多巧思猩毛貂尾兩無慙作者補工

送不蘭奕行臺中丞

漢家二十六將軍忠孝如君萃一門痛惜鯨波吹屬
甲盡將墓憲付諸孫維持根抵餘忠厚包總時情貴
直温攬轡澄清吾志在風沙先露石城昏

寄何參政

郎山山下讀書堂萬卷芸香綴夜光贊善昔推東道
主賢叅高臥北牕涼林鳥返哺健為守易水悲風劔

客鄉擊筑會傾高麥酒滿壇秋草酌昭王

贈雕鏤石抹世亨

石即來自汝之墳性解雕鏤到奪真一握鋸刀修月
巧滿龕龍像雨花紛越庭過我求名諱刻木先君表
世臣家廟薦藉吾祭在露堂冠佩待三薰

贈道者李雲叟

道人姓李氏諱道謙出東齊世家年十六
歛有悟棄家入道禮丹陽馬公高弟劉為
師既冠長持諸方洞天參求玄契又嘗園
居於陝多積靜功時人以有道許之今主
東雍之神霄宮曰雲叟者蓋其別號云昔
王逸少與謝安石嘗東遊海嶠飄然有雲

霞高舉之志今亦以是稱豈其遺意耶秋

澗翁叙

生龜脫筒豈易事假手柱史驅群魔平生繕性契真
訣萬慮剗中付踏歌遼鶴歸飛三島近道心安更一
瓢多超然獨立雲霞表浩浩流兪看擲拔

題葛氏臨漳五福堂

澹澹河流紫陌長青林東下望臨漳蒼煙拱木三基
里書葉翻香玉福堂通德絳帷多故老謝家庭樹見
諸郎兩公出處存深意嘗記吾親話故鄉

龜詩問學士

數尾已知三百歲息胎更活幾千年誤投且網寧無
夢曾獻箕疇信有靈好共鶴嬉當碧逕莫追龜負向

滄溟松間竹下婆娑地長伴霜歸老壽星

送僧印東還鍾離詩并序

予寓居安貞里東行百舉武有精舍曰文殊僕方謝事需命間一往焉與齋印燧無晤言以適吾懷因知師系出濠之郭氏其先東平人祖班嘗為弋陽部將死王事給葬於光父珎亦為州之機宜官師幼讀儒書長習陰陽風角等術既而悟塵世虛幻遁入招信嘉山尋師學浮圖法清脩苦行致價重一時為兩淮朱制闡所尊敬特起華嚴禪院為棲息之所仍誦其品目追報母恩江淮平飛錫五臺禮文殊光相遂抵

京師參叩叢林富觀大乘氣象其安心枯寂脫疑榮利飄飄然如孤雲野鶴任其去來若不為形迹所累者泝其東歸賦詩以

贈其辭曰

鍾離老衲印無文燕薊長遊寄此身一片野雲橫碧落半窓寒日弄游塵經龕入定依殘供

帝里相逢有故人我亦天涯倦遊客幾回歸卜問通津

保定曾揔管清隱亭詩卷

平生不識將軍面開卷題詩得姓名清隱已安三徑樂賓筵時雜五侯鯖春郊羽獵來緹騎煙渚沙鷗有憶盟聞說懿公多賜物過門求閱儘名卿

餘慶堂銅臺趙御史

鴈塔題名奕葉香教開婉婉亦知方
湏知培植根基厚遂見滋榮世葉昌
沙麓昔聞王氏積桂華今接寶家芳
牙冠高映斑衣爛歲歲春風拜北堂

慶耶律秘監九秩之壽大德辛五九月初

耶離山色照中華孝繼忠傳自一家
閱世充陰緣眼食過庭詩禮儘柔嘉
啓期榮樂神多與衛武箴規慶未涯
見說壽筵香霧暖語恩行墮五雲花

贈雪堂

雲間徙倚妙高臺蠡吹喧喧海會來
佛界雨花香有信石塘流水靜無埃
過溪破界東林約乞米藏書李勉哀
想得大千香積供維摩方丈白皚皚

題順德天寧方丈

水晶心孔碧雲思方外高閑有阿師
滿院綠陰人別後一欄紅藥客來時
簾扉照映鑪煙直僧榻留連茗椀遲
何處虛舟虛未得冷翻吟掉衆波隨

送荆書記幹臣北還詩并序

幹臣參議覆事南來與余遇於襄國連日
道舊契闊之懷豁如也君素能詩及得日
本諸作清雄奇麗拂拭然挾海上風濤之
氣令人豈勝嘆賞且聞駕海之舉盛千載然
江海之險非丘陵可比若以衣裳鱗介論
之任責者當以萬全為言因贖鄙詩敢以
略及

邁往凌雲見妙年東征書檄更翩翩萬艘瀛海叅戎
畫九點齊州漫野煙再服終期歸禹貢異聞無復訪
裔然舞于不作三苗舉好為 清朝論萬全

董氏家庭拜慶詩

順德少尹董君舜卿太夫人蘇氏系出異
州大家今年九十有四起居飲啖精健如
五六十八以董氏論之親老而壽家溫而
祿雖云賦予收厚亦孝感所致而然壬午
夏季十有三日蓋拜慶辰也求歌詩以為
榮謹書此以侑壽觴之末

發光分秀下含真來閱人間百歲春子孝每能忠作
訓家肥還自德為隣庭萱吐鳳明珠樹蓮葉翻香濕

綉裙一曲南薰薦蒲酒慶筵長對歲華新

近按部襄國提舉張子寧為僕留連者月
餘既而得代裕如也因念其治燕南鐵官
之寢不旬時周備給淨由以付張子之臨
財滋政其為人廉幹可知已將行以贈言
為榮喜書此以貽

三十年來舊弟兄紫髯落落照鄉隣白圭磨徹光無
玷青眼看餘分更親均翰有方留後法泳游何患作
潛鱗一杯回首河橋柳亂擺春風約去塵

挽中書左丞魯齋許公

經綸根極自朱程小學從容到大行安漢固當煩綺
聘要湯初不待伊烹辨姦素有批鱗直旌墓當書積

善銘兩夜天官臺下夢分明危坐話平生

庚伏日大雨

屏翳驅雲障日昏
雄風吹雨怒翻盆
天高地厚初無際
電激霆砰入併吞
造化有神藏妙用
枯焦回潤沛深恩
客愁更喜終宵爽
滌盡煩歎夜氣存

廣宗董主簿二親同壽八十求詩為慶

七十人間古已稀
况登八秩壽眉齊
慶延為厚于門積
松茂同欺鵲嶺低
棟莖堂深鷁接翼
碧梧枝老鳳雙棲
年年長至花開候
蒲泛春風薦玉盃

留別鎮陽諸公

梧桐葉上雨瀟瀟
涼透疎簾夜寂寥
長性有懷深霧隱
虛聲何意望弓招
三年渾水人情好
千里維陽去

路遙多謝諸公挽留意取將哀謬枉清朝

哀清河公

振轡咸池挾日飛
識先秦府帝圖輝
氣緣剛果踈沉慮
爰出倉皇落甌機
尚賴

聖朝明朴直豈防諛口重緋衣誰令諸武留遺育
悵望燕雲借敬暉

圖回東別鶴鳴軒
脫却山衣相有元
汲直寢謀推國老
羽泯沉鯨認

綸言參旗不掩千年氣
楚些難招九死魂
欲雪絳窈吾舌在有書無路達
天閣

詩送宋克溫郎中北還

神駢出水氣凌雲
一顧曾空冀北群
鷄舌賜香封事

秘紫宸陪仗絳纓紛茂陵弓劍空秋草麟筆公侯削
魯女從騎不愁逢醉尉暮歸猶識舊將軍一作詩屋
卷門前冠
蓋於淨雲

西池幸遇詩

壬午歲十月十二日某以承華事略求

見引見者工部尚書張九思已刻拜

太子於宮西射圃內北前命近侍趣入者

再既見問秦始皇何如主某以所行過

暴為對

太子首讀明分篇間漢成帝不敢絕馳道

事喜甚至輟射繙閱悉問其各篇主意

張九思木忽乃略為應對讀訖以書付

董八哥會靜時細聽未未賜酒露醉而
出

射殿風清已午間曳裾挾策拜

隆顏首詢帝子龍樓召喜輟犀弓偃月弯蔡藿儘酬

承日志簡編不負半生閑滿搏春露露息處光動西

池玉筍班

挽元倅善長

危弁長遊士子間襟顏相接諳於蘭身綠吏隱多時

尚事與心違仗酒寬千日醉吟愁儘在一朝卧病衆

知難空懷去歲中秋會六郡歌頭聽細攤

今春酌別鎮東門誰料歸來便哭君每愛醉歌增怗

懷若論交義更慙懃谷駒夢香驚炊麤塞鴈行踈斷

朔雲撫卷題詩倍惆悵有知當徹九泉聞

贈張詹丞子有二首

一拜龍顏見赫臨繼開詹府更良箴抗言博士議當
取端本後朝緣自今千慮徒懷愚者料片芥難盡野
人心儻崇銀字霑恩去未礙東山擁鼻吟
中護名香鶴禁深津津芝宇見雄沉兩坊春色煙花
地一片丹誠羽翼心夜浸不容侵翠錦布衣仍籍口
華箴五雲常近前星潤正要來時作博霖

贈史中丞并王高二侍郎

朔吹驚翻白錦鷹槍揚還復籍飛騰嚴城鐘鼓殘更
月客舍風霜半夜燈老境幾何心未已清時有味愧
無能一麾儻便公私去大是生平幸不勝

贈趙禹卿

燕市分携又六年眼中双鬢兩皤然棠金周急為真
樂賦畝思君類昔賢章曲去天纔尺五田父食客尚
三千相看一笑風神在不似長鱷吸百川

壽楊奉御五郎

黑頭宜插侍中貂華岳秋高見準標滿眼風雲承
眷顧四科言語獨超遙時陪彩鳳巢阿閣文領春
上柳條端尹後朝斯任重祝君眉壽等松喬

贈楊吏部子裕

載覲清揚又六年文庭儀鳳更翩翩事條不獨山公
啓風監能知漢相賢黃散許除仲素志銜衡停允正

吾權春風密鎖天官署長訝唐人緩所先

劉禮部歸國詩卷

朱邱同父易舊傳使華光動海西堦十午都護清如水百險歸來雪滿紅壯節氣凌毅侑序
吟忠到子卿擅錦窠未是春風地會見吹噓侍日邊

贈崔中丞

秀拔冰天一氣晶幾年宮閣作先声閉門著論驚崔寔審勢陳書以賈生欽柱宥從貂珥出簡霜能南栢臺清堂堂正有父貞笏擊暴摧姦是小成

月波引清商六調其一寒光相射其二冷侵牛斗其三靜聽龍吟其四遊魚羅浪其五風塵成紋其六深夜回舟雙溪相公首


韻者澹持張緯女僧木菴趙虎巖著
苗君端之姪良弼求詩於余勉為奉和以續五賢之右

露洗金波蕩碧空清商傳調自天風看來冷浸雲間斗聽久幽吟水底龍孤棹泛溪回雪夜跳魚翻藻避蛟宮一彈曾感神人暢何翅平公為歛容

謝平章聰山公見惠東陽佳醞大同枸杞書院春風靜掩閑洞庭春浪漲滄灣雲腴釀自東陽耐仙杞香來大若山二物并遺沾雅興一樽端為駐衰頽應慙涼倒登瀛客尚覲

哀憐 賜珮環

秋澗先生大全文集卷二十三



秋澗先生大全文集卷第二十四

七言絕句

寄張孝先

愛而不見我心勞
好在天池刷羽毛
一曲紫簫風露冷
黑山無際月明高

寄贈王嘉父

十日休閒一到衙
冷官滋味賈長沙
醉歸多趁湖南月
馬上披香直到家

送王子冕天壇行香

山川望秩走星輶
落府懷賢夢想勞
不爲碧雞金馬異
漢家優禮起王褒

蕭徵君哀詞

東瀛先生有道之士也予以里閭故獲
展履慕之拜盖十有一年矣今茲云亡
謹撫其見聞之實作追懷詩六首姑達

乎感慨云耳

圯上求書約重過豈期遐想仰山回適來適去公常
事親見先生曳杖歌

含悲空炷影前香風袂泠然返帝鄉鶴馭不來塵世
隔芙蓉城闕月茫茫

李白長鯨汗漫期秋山魂冷未來歸傷心孰緜西州
路何止羊曇淚滿衣

鬱鬱佳城畫不開玉霄東望靄蓬萊空懷華表城頭
柱會有它年化鶴來

萬事生平委自然竹風松月共清圓衣塵才拂朝元
去忍向人間久棄捐

禮觀才成人已非身前毫髮恨無遺空餘讀易壇邊
竹露葉青青若淚垂

比干廟

玉骨琅琅盡古丘凜然英氣尚橫秋朱游訛訐何為
者敢辱先生地下遊

雪夜

暮雪紛紛亂撲牖牀頭無酒只空缸壯懷俱與爐灰
冷惟有詩魔苦未降

旋呵凍筆吟冰柱急掃風花煮夜茶客去焚香閉門
坐小齋初不羨山家

八月十四夜與雷彥正步月

秋聲入戶夜虫多
辜負金樽漾月波
燭暗香殘人欲去
滿庭風露影婆娑

卓水

鏡中流水畫中山
酒盡銀瓶興未闌
碧玉沼深人不見
柳花飛度翠琅玕

夜過滑州

黑稍軍聲動地來
魏人宵濟宋師迴
而今一統無南北
月下搖鞭過滑臺

跋龍眠二駝圖

玉塞沙平首藉繁
渥注春水泛晴闌
幾時扈從長揚獵
一片紅雲排繡鞍

漢家天子狩陰山
萬馬憑凌汗血殷
早晚華陽春草地
熒熒得似畫圖間

美人却扇圖

寶檻承恩妬露華
背金翻日羨宮鴉
幽閒好備閑睢德
望絕羊車失自誇

絕代佳人擬罕儔
幽閒無夢到河橋
春風靜瑣昭陽院
落盡庭花轉自愁

游瓊華島 甲統元年作

鳥語山容喜客來
耿純襟抱若為開
六龍冷駐陰山雪
暫擬層巔作望臺

芙蓉水殿紫岩松
六月雲蒸此雪宮
樂部不聞清夜曲
舜絃聲裏詠南風

蓬萊雲氣海中央
薰徹瓊華露影香
一炬忽收天上
去
設從焦土說阿房
五雲仙島戴靈鰲
老盡瓊華到野蒿
惆悵津陽門外
去
春風飄亂酒旗高
大定明昌五十年
論功當出漢唐前
儘消一鳥承清
讌且置堯階頌采椽
躡盡寒雲冢上層
土花春碧憂觚稜
江山如畫人空
老更倚殘陽望道陵
玉樹歌聲繞北虛
朔風吹恨入南都
六鰲不戴三山
去留與都人泣鼎湖
光泰門東日月躔
五雲仙仗記當年
不煩細讀江南
賦老樹遺臺倍黯然

杜莘老荒山訪友圖

隆中人有鹿門期
梁甫吟餘獨杖藜
殆似老龐歸向
晚釣船猶艤暮江西

秋懷効樂天體

閑書遮眼睡昏昏
食飽無茶腹自捫
斜日倚門風乍
起滿庭黃葉擁籬根

早起

星河黯淡湛玄雲
露下庭柯落葉紛
夜氣遠從天際
斂秋聲時向樹頭聞

冬日與呂丈讀毛詩廿二首

婦道防閑貴有初
文姜失御從雲如何殊
苟蔽梁空
在秋水誠多得計魚
故苟

服御鮮明擬大君
麟麟轂擊汶陽春
載驅既匪勤王
車隱惡能無播
萬民載驅
濟濟威儀美且都
詩人流詠入嗟吁
齊家爲失防閑
禮禦亂無多金僕
姑荷嗟
爲國規模以德將
恬然風俗入安疆
新婚服練既非
禮葛履凌霜尤失
常蒼發
汾水悠悠宛一方
條桑采蕢僕夫當
誰知粲粲軛車
子終日頃筐泪如
傍汾泪流
得民方可固邦基
此道幽深莫我知
却憶賓庭陳百
旅棘挑猶足備多
儀園有桃
地狹民稠十畝間
來歸來逝共閑閑
何當一復周家
制各守封疆絕往
還十畝之間

邦畿廢近四鄰侵
行役無時怨抑深
陟岵遐瞻利自
慰倚門應甚望雲
心世帖
不政安得數懸門
匪稼胡爲禾積困
但恃鄙貪居祿
位不能無愧伐檀
人伐檀
碩鼠歌詩怨已成
三年貫汝未聊生
熙熙彼土雖云
樂猶抱遲遲去國
情碩鼠
皂緜示約人從化
玉樹歌淫國旋空
蟋蟀戒深垂萬
世由來奢儉貴乎
中蟋蟀
隰原尚賴樞揄蔭
人主憂勤貴一身
堪鄙晉昭徒自
苦只將鍾鼓樂他
人山有樞
粼粼白石水揚揚
宗國由來日盛強
木末儻從師服
諫爭交竊國似田
常揚之水

沃土分封自晉昭子孫蕃衍喻國極大夫休起盈升
歎宗本顛被爾遠條椒聊
束楚綢綉仰見呈時危婚嫁禮難成却思王季興岐
日內外俱無怨曠情網終
骨肉周零失所親徒行踽踽一身存不如杖杜春前
樹枝葉猶能庇本根杖杜
服御羔裘豹飾社國人不恤友居居豈無它所携持
去恩好猶懷未忍踈羔裘
孝養庭闈士乃常反教執役事戎行悠悠仰面蒼天
渺失所何殊鴛在棄鷓羽
晉國流風屬變移武公反正思依依誰知問鼎傷肩
際肯獨尊三請命衣無衣

道左團團杖杜春清陰猶得庇行人國疆須賴群賢
輔孤特何爲任一身有杖之杜

藪生蔓野葛蒙枝女子從人得所依衾枕未溫征役
遠庶幾百歲願全歸葛生

晉獻聽讒似采苓竟從微隱殺申生後王采察能明
遠諧愬雖多自不行采苓

梁園對月

兒時曾住汴梁城二十年来重此行一片鳳凰池上
月向人還似舊時明

過蕩陰東周留村

一灣流水麥青青楊柳陰中野約橫幾樹桃花如舊
識隔溪無語咲相迎

喜蕭茂先得雄

未聽啼聲骨已竒
桂林安取野棠枝
老髯嗜學初心在
刺備箱書付阿宜
滿帙新詩羨寧馨
慰心尤喜老來情
壽兒此去如春筍
玉節亭亭脫錦綳

夏夜

野雲明處電飛光
海牽青浮落日黃
想得近山多雨過
滿庭風竹月波涼

夢中賦月燈詩

風外筠竿倚暮烟
忽驚鷺群日帝堯
年天公两眼何嘗暗
底用分光照一偏

遊泰山雜詩

肝融萬化群龍首
丘垤諸山五嶽宗
茂陵誕荒謬後世
仙神何意均東封

祖龍東巡擅椎蒙
天門風雨幾遁逃
震帝不來天白老
秦碑空倚禪壇高

衆山迤邐朝西東
帝孫突出天之中
巨靈不劈蒼崖斷
雖有絕頂誰能通

何年氣母此融結
大小天門五十盤
三峰自是神明觀
漠漠陰風走石壇

岱宗巖岩靈氣宅
雲烟物外爭新竒
世事難必有如此
吾欲人海從安期

縮茁元氣通滄海
霧湧雲蒸一水山
五十連城望霖雨
少分餘潤到人間

萬壑瓊林映碧崖雲間三頂鬱霄臺
摩挲手御帳殘松樹曾見秦皇漢武來

路從御帳北艱屯松頂雲凝日脚昏
上盡曲盤十八折仰看猶自有天門

盪曾滄鬱陰雲生行出天門路漸平
脚力有餘中頂近徘徊應為紀山銘

朝瞰爛爛煥煥層巔天門直下屯蒼烟
虬坤故為作開闔世界幻入兜羅天

何限詩人不克登杖藜直到最高層
辟間速即留題去雲起封中冷不勝

東山何高四十里萬古通天只一門
不知洞府深幾許宿雲無數儘雄吞

雄觀駭絕東溟日逸駕高於北海鵬
更著山靈出奇貨千岩蒼雪玉稜層

雪林庸跡過新蹄石蹬雲羅步步低
多謝山靈相擁護一杯無事到中溪

中溪神祠名在山門口
贈相者李吉甫

仙機分自洞中春閱盡長安市上人
留取神光半背上要渠着眼過天津

跋豐稔還鄉圖

廟堂真宰拜姚崇斗米三錢四海同
今日太平應有象盡家消息恐難工

過邯鄲

層臺高與暮雲齊全趙河山入望低
貪和野花雙塔

層臺高與暮雲齊全趙河山入望低
貪和野花雙塔

何夕陽又下故城西

我自驅車下九門眼中襄國動吟魂從教兩鬢渾如雪猶喜歸來故步存

黃粮喜短不漬驚滿馬紅塵過趙城獨上荒臺重惆悵野烟無處認温明

題雪谷早行圖

頭痛風炎萬里程行人何限把雙旌犯寒休訝征車早冷嶺東邊是帝城

新店看山望景樓

喜入關南百里川朔風邊雪積醒然夕陽欲下蒼烟起看盡西南破墨山

秋雨靖山道中

一重一掩吾肺腑老雨荒山記北還人在碧烟深澗底仰看元氣湧雲間

酌百泉水

去時蘭佩惹春烟歸日羸驂跨敗韉賴有百門山下水療飢猶可度終年

偶書

郝卿持節使江臯子勉劉荆主御曹我幸閉門無一事醉餐秋菊讀離騷

跋司馬温公燕處圖

獨樂園深百草香一編心與道相忘不妨卧老琴書裏破散青苗有報章道與晴雲任卷舒心存廊廟跡江湖石君被遣公孫

死慚愧先生燕處圖

擁馬留公作帝箴人心大抵是天心惠卿未死舒王
在一集傳家了古今

壬戌歲除夜

坐久虛窓夜氣澄未容心事淡於冰滿襟忠血傷時
淚一點清光教子燈

春風萬里圖

人間塵土日紛拏流水空山半落花自是道心游物
外不須誇誕說流沙

蓮社圖二首

人間廬阜東南勝兩晉名流寔賞音阿麟因之出新
意秋香和月寫東林

鬢絲禪榻喜相同詩在秋季
客不隨江月照還空

千古風流社中

跋蒼江待渡圖

朝醉新篘暮錦鱗一篙獨占
且休熟睡秋蓬

底無限津頭望濟人

隆中高卧耻為邦重屢呼舡渡晚江皋舊幾人堪晤
語徑須持訪鹿門龐

贈別王晉卿

漢署千官列馬行九天獨被繡衣光布衣自笑題詩
客空抱澄清望八荒

青鎖仙即被服新寵光千丈爛盈門何時得侍紅雲
表竭節同酬一命恩

劔履翩翩趣北歸
秋衾日夜夢彫闌
長楊輦路都門柳
恰及飛花點繡衣

挽蘭同知進之

留心藥籠緣多病
歷仕鄰藩便暮年
迴首西州門外道
偃然長寢兩相捐
行年六十不為夭
貳政三州有足稱
伯道有兒終抱恨
夜窓無及讀書灯
一丘黃土清溪曲
三尺蒼髯六十身
千古桐鄉遺愛在
只須秋草卧麒麟
得調漕漚幾載考
自登墓穴已三生
幾迴對客親曾說
埋近清溪性所便
翩翩老騎赴征車
前日東城別路隅
酒榼素筆今寂

冥河山依舊繞黃壚

戊辰後正月七日雪

北風一雪麦田空
坑谷堆平蒲棘叢
近日化工無棄物
恣將春澤到蒿蓬

戊辰門帖子

安分愛壽蕭遠論
廣騷情讀楚臣辭
里人莫訝三冬蟄
一寸丹心用有時

送劉主簿文遠赴都

仕途坦坦駕輕車
殆似劉君赴部除
不枉洛南溫處士
半生清苦待徵書
終南捷徑霾荒霽
吏部銓衡到至公
相過不須論出處
李鷹門巷幾秋風

除官限自三年例計月須憑一考優間說

聖皇思治切愛賢無夜不岩幽

貢璧輸琛買煦濡萬言不博一除書秋風兩戒河山

底自把鋤犁計未踈

求官自古近長安格法如應事不難說與磻溪谿上

叟且須寧耐把漁竿

題薛微之遺安堂

靜思富貴履危機醉着人心死不知愛煞遺安堂上

客此心還與鹿門期

清樾蘭皇百畝陰兩椽精舍倚雲深一鞭春事東風

裏劉表何人識此心

因題前詩偶書

山林長往廟堂居一顛時衣飯兩孟温飽較來均一
槩忍尋機穿博頭顱

挽趙教授公淨

目擊冠裳一老儒爭教蒼海失遺珠細思晚起山齋

語地下脩文事本無

淵源分派木中君偶讀殘碑得古文河潤祇能霑再

世不須回首槍蒿著

儒林遊戲入禪關晚節浮沉里社間異日衛人徵故

事為公板例取香山

辛苦生平篆刻勞也霑汀草乱春袍有兕不肆中郎

業却是先生一着高

是是非非到盖棺誤身無侶戴儒冠蒼涼一片共山

月照徹先生首荷盤
生理蕭條奈老何
春風着處是行窩
哀歌偶及生存
事却恐羊曇淚更多

因著圖經大起予發揚潛德到幽壙
索頭幾卷遺編
時予作涪州志乃類集蘇門
在愛惜過於汜塚書事述一編甚詳悉見贈故云

跋申達夫藍采和翁頭

一踏高歌了世緣
春風兩袖地行仙
無端忙煞癡兒
輩貫朽都來有幾錢

謂梁太師王彥章祠

太師祠廟汶城西塚上
纍纍日漸低
唯有英聲消不
得至今高與泰山齊

雨後溪田即事

朝來一雨曙光微
高樹涼多露未晞
喜約老農來看
稼不辭霑濕芟荷衣

清寒墟落漲秋濤
溪上行吟樂已陶
洞口未容烟鎖
斷更須時上武陵舸

平明新漲復溪痕
曉月搖光映棘門
騷客不愁漁箔
短縱教魚鼈長兒孫

三年耕養一經通
水旱黽田更在中
貢法不來神聽
遠此生窮達仰天公

種樹書殘倚釣竿
日長微暑喜清寒
草堂去水無幾
地隻足時來踏碧瀾

錄役者語

十人供役二三廻
困似車輪半道摧
眼底去留生死

隔爭如先作陌頭灰

土戰何年是了期為王城此不知疲一門親削宣尼
筆為國勞民貴有時

一夫詛祭九魂知護我南行爾亦歸惆悵桑乾河畔
月至今寒影慘無輝

或云河南役夫既罷歸九者皆歿其一負
衆骨而西渡灤溝因祭而祝曰今汝等俱
沒我幸獨全抱汝骨以歸汝等有靈當佑
我使與汝父母妻子行相見也其人前次
范陽亦病死

工無役鬼必勤民萬雉功成歲月因從古有庸三日
止未聞膏血化灰塵

今春疫氣是天裁百日為期力儘能三尺席菴連夜
兩杵聲才歇哭聲來

火中渙汗土中蘇却被車轟殞半途六月炎風一千
里大河南北看巢居

病骸困苦自知林叮囑同行瘞故立父兄祇知安健
在計程今日過灤溝

父來接子值同徒欲話渠儂涕泗俱昨日道邊因困
卧不知今日有還無

病軀甫差須扶護趁伴貪程日夜奔太半殞遺多為
此故鄉歸去有殘魂

蕩蕩王城王削裁青山三面壯圖開興功計產能中
止狼籍春風一露臺

數口爲家尚聚廬一王經野古良圖限期百日非爲
遠部役群宮事大劬

觀風浪中回舟

風蕩輕舟一葉迴望中掀舞碧濤堆舟人若解臨觀
恐迂緩甘從遠道來

清溪晚眺

洲渚橫陳水退餘兩行風林映菰蒲暝烟誰踏扁舟
去望際漁灯一點孤

題陳德秀東臺手卷

井落星纏一炬殘市門留入畫圖看祇應千載東臺
月長照鄉人祝社壇

至元戊辰應聘憲臺留別淇上諸公中

金馬門中金馬臣銅駝巷陌歲華新閑雲也被風吹
去散作千門萬戶春

竹林幽隱圖

西晉風流號七賢筆林茶竈共林烟松琴響絕千年
後喜見清風一再傳

清時有味是閑身不可一日無此君著脚歲寒堂上
去秋風門外葉繽紛

蘇嶺桑麻杜曲田歲寒誰似此君賢鳴歌不種南山
豆千畝風煙學渭川

昔賢愛竹與竹友出處揔得高人各今人未著林頭
屐里社歸來畫錦榮

共城瀟灑似江南萬竹幽棲老所堪李沆似爲諸子

計北山先掃讀書龕

煙雨溪南百畝春盡將清景屬閑身河山不隔黃墟
斷却恐切各老逼人

春夜獨坐

讀書聲歇燭華殘潤入琴絃覺夜寒寂寞小窓雲影
薄隔簾梧葉雨聲乾

仙遊曲五絕

春山雲白紫芝肥歲歲征騑動漢儀政自修身傳治
本不緣幽睡試希夷

鶴護龍香醮夜壇露桃花影記驟鷲碧雲暮合秋空
迥石上清風漠漠寒

庭竹無人綠滿窓幽香和露濕電幢日長孤絕壇邊

鶴啄遍晴苔影一雙

漢家望拜竹宮壇環珮聲沉碧落寒遙憶受釐宣室

夜一言前席萬方安

金簡朝元擁玉華碧壺香滿謫仙家石壇冷掛銀潢

水會待秋風送客槎

六度寺

荒村到寺才三里古屋懸崖廢幾間從此重經題品
過衛人方識有壇山

山下石田百畝餘子孫眷戀祖來居向人爭說新官

好二稅輸來雜沒無

縈紆一水蟠深澗野叟何知說太公壇下古碑堪晤

語大書深刻太康中

太行東麓太公泉喬木蒼煙擁壞垣千載祗應尊有德不須深泥竹書言

老鷓鋪雛百丈崖羽毛才鷓獵人來孤懷牢落風埃底何處呼鷹是故臺

聖泉流潤過南村共說來年雨水勻山若有靈能假手六花先壓壘頭塵

枝撐佛宇老風煙歲月仍題聖曆年零落亂山終悵望捫蘿應欠入香泉

先子能聲以吏聞生平游戲見詩文遺書忽入孤兒眼淚洒西山日暮雲

鷹揚來自鎬函西草木荒山壁壘低賣食解牛真妄說斷碑明指是殷溪

山中宿妻苦無多喜見園科際兩坡縱未痛收終有望入城容易揭差科

同劉勸農彦和葛縣令祐之遊蒼谷口

四山遶盡外來風山嶠人家不覺冬獨立蒼崖重回首山形渾似又居庸

夕陽西下暮山稠崖下蒼池似炭湫把釣不愁雷火出品題應為此山留

近山風俗果溫純知有從來縣令尊霞老扶扶爭致語不嫌山野過柴門

山神說是宰公身野老爭來話本因採玉得仙俱僞惚至今功利及斯民

九龍分部中天雨何處凝蟄睡不開一勺鳳凰臺下

水有時風雨洗天來

方山忽斷兩崖開中有蒼河自此來行出山門俱不見王龍翻作地中雷

不須犀火瞰蒼灣萬古幽陰鬼所寰山下黃塵三百丈巢居安忍插天山

地爐火在壁燈昏睡覺山堂笑語溫豆粥一盃官事了緩搖吟轡出山門

贈星斗客冷景發

六甲星躔入苦心術窮滄海別穿深滕王閣上三盃酒曾博相如換賦金

萬類芸芸固不齊一推能盡未來幾向渠待福早晚台光映紫微

炯炯雙瞳楚語紛闖懷陰竅失崖根坡仙有句堪書

贈醉裏微言更近真

有命何曾論智愚班超備筆衛青奴自從遇着洪都客豁得胸中俊氣無

半生心事苦蹉跎其奈胸中不朽何鳧鶴短長俱有數魯卿三昧聖之和

遊霖落山雜詩

東山削出翠芙蓉西壑砌研貯雪風入說魏王曾避暑殿基猶是舊離宮

龍拱悲臺倚寺西山空留在舊禪扉老猿叫月蒼烟去魯伴山僧夜半歸

青山斷處塔層層廢殿臨崖枕虎形千文畫屏宜晚

對野烟飛去助空青
絕磴穿雲老蘚蒼
捫蘿行到贊公房
室香冷澈華嚴
壁木客猶誇夜有光
滴乳岩前掛瀑流
青杯飛洒動高秋
玉龍躍入青冥
去堆疊蒼烟萬壑愁

秋澗先生大全文集卷第二十四

秋澗先生大全文集卷第二十五

七言絕句

五年夏四月朔日即事

朝衣絺綌暮綿裘
氣運和天不自由
吹損綠陰風不定
晚來庭院似深秋

贈周幹臣

槐府潭潭吏隱周
青衫騎馬亦風流
入門休問生涯事
讀罷離騷待菊秋

題風雨廻舟圖

江南江煙萬里秋
幾年汗漫事長遊
隣君已落風波裏
只恐廻舟不自由

題王武子觀馬圖

玉華吹散蒲身雲，
電追風隱駿奔好，
尚祗誇毛骨異，
不思戎馬在東門。

題李伯特所畫開元御馬圖

閱武驪山是近游，
霜蹄蹴踏厭長揪，
料應扈從東封了，
一片雲煙赤岸秋。

題山堂會琴圖

靜夜山堂萬籟沉，
抱琴來馮古人心，
箇中真趣知誰會，
門外松風是賞音。

聖賢思治先琴事，
子賤為邦舜臯民，
莫訝松軒來會數，
要從心拍起經綸。

寄路尹侯伯祿

分携不及都門別，
情話長懷五夜灯，
蘭省未妨虛儉

幕郡人爭喜識黃丞

太行絕頂潞州城，
竹馬兒童遠見迎，
聞說下車公事簡，
不勞衙鼓報新晴。

題李伯特畫文道觀馬圖

昔人大槩尚虛談，
外物遷移等徇貪，
千丈神光渠自有，
却將風駿馬中隄。

金城杏

麻葉翻風船映暈，
道邊垂柳蔭橫溪，
一竿青旆誰家酒，
金店東頭野竹西。

金城懷古

與千能延邂逅生，
拓弓銀研未志情，
較量成濟揮戈慘，
天道中還固未平。

絳陽道中

山自南來兩翼開
汾崗橫亘隔金臺
伯宗驅傳無輕去
聽取輿人論絳災

絳州公解即事

終朝據按訊彙囚
日暗風淩動鬼幽
草暗池荒人不見
絳紗灯影看懸流

河東地館絳園優
才守兼王樂讎游
兵

見斛王祠畔暮山稠

挈鷺提鷗次第開
碧園丹陣鎖重臺

焦

土却似汚宮為世哀

樊守文章世已驚
富公遺愛

水假借群蛙徹夜鳴

鼓水西來竇北墉
絳園形勝日增雄
依稀菴畫樓臺影
猶在瑤翻碧激中

水聲激激枕邊來
卧看倡池碧鑑開
三尺短碑樊記在
苦無多意發雄猜

莽望黃原勢秩天
驚驂南走削孤巔
東臺何限消沈意
目送汾流落日邊

讀絳陽園池記

樊守文章未易窺
艱深宜被後人譏
一言能盡興衰理
愛煞當年李格非

周孔文章載道軼
定剛元自典謨留
不知魁紀操觚意
地絕天通孰與儔

題斛津王廟壁

玉璧威騰却日戈，飛揚其奈伯升歌。須知地下坡陀血氣壓，南山翠不磨。

祝融堆廩表韓公，神理雖冥正可通。自愧不求來折獄，亦蒙陰相誘愚衷。

過絳州北

哺饑坂

蓋晉趙宣子餓靈輒處也，應有祠屋，今廢。

釣采華名世有人，微勞高擬泰山勳。此心報德誠堪尚，事了身名兩不聞。

血肉熬牙白，晝寒挾輪來。脫趙卿艱，悠悠鶴蓋陰。中子高揖清風，恐厚顏。

晉國平時有舜夫，趙宣為政果何如。哺饑坂下重回首，一飯酬恩寔豈予。

題夏當務壁

村落人家樹比稠，平時分水細為籌。朝來一雨郊原足，門外長蓐滿意流。

龍祠禱雨

中岸烏紗角半摧，馬蹄泥滑晚相催。郡人莫訝麻衣濕，適自龍祠禱雨迴。

禱雨龍祠訪張總判不遇因題其壁

甲第分携半月餘，遠迴相過得湏臾。松陰滿院溪流碧，辜負臨風一捋鬚。

登白雲樓

百日區區簿領間，白雲樓閣幾憑欄。秋來致有西山爽，兩度還容拄笏看。

山沉雲高暑退初，簾文如水葛衣疏。邇來郡府無多

事卧對西山把性書

贈墨卿秦得真

壯心零落羽林槍老劑玄圭入退藏為報鳳池池上
客不應神品擅潘張

麝團小印柳枝龍不減唐人入漆工留得玉堂揮翰
日桂香攔檻聽松風聽一作泛

秋望

客窓十日雨聲中雲影朝來綻碧空不上西樓能幾
日滿城黃葉動西風

題子猷山陰圖

閉門一雪天地白乘興即上山陰船愛煞此君真率
意至今人境兩儵然

自朝

踏月聞鷄出郡齋逐搥鼓放尚來盤盤三晋河山
地兵賦民情使汝諧

自壽

二年岱頂富奇觀今歲姑山對霧鬢笑拂巖華指歸
路黃塵深處是人間

待旦軒假寐而作

待旦軒虛曙色分瓦爐釜煖有餘薰細思日用無多
事一靜能消萬有紛

題永安刁氏別墅壁

一川百頃數家村複嶺重岡擁澗垠樹藝自勤民自
儉勸民冠蓋不須頻

南崖刻畫似城闈北勢耕桑聚落勻所願廟堂論至
理萬方風俗再還醇

聚遠亭刁氏別墅

壁間題示墨猶新聚遠軒中人幕賓還喜晉人風土
舊一村名姓似朱陳

英武王馬燧廟

西平英氣凜如生千古旌忠勤御名過客賦詩增感

激北風原上鼓鼙聲

奔鱸吹浪盪浦津堂上奇兵莽已神老賊垂降還赴

召比量先軫乃純臣

汾州懷古三首

伸倪三面削蒼崖中擁汾隄寶氣闌夾道老槐君莫

訝虬枝曾拂漢旗來

武皇誇大喜雄奇出汾陰恐事為更著壽王相媿

媚守經深見漢儒卑

東封泰岱西汾陰始自嬴劉好侈心只為一非無所

格儘令方士出妖淫

過聞喜縣有懷元鼎故事

秦左邑
相鄉地

窮兵無似漢皇雄六合為家意未充一喜政能留故

事舞干終愧有虞風

過太寧宮

披雲臺晚野煙荒宮掖坊深半夕陽獨有太寧祠畔

土碧花猶自學宮粧

安邑道中

匡墻塗火暮徵茫樂歲人家半米糠漢至孝文才四
葉便能三萬里農桑

謂司馬溫公墓

河山兩界夏西分孕秀鍾靈產異人可惜秉鈞纔八
月不教仁澤浸生民

鳴條山遠聳孤墳千古高高仰甫申有意誕彌無實
用竟將新法遂諛臣

游棲高寺七絕

上盡雲間十二盤一枉松下散襟顏老僧近晚堅留
客爭指西南見華山
河山形勝見栖高万壑秋聲度碧杉奇絕此遊還有
恨杖藜不到冷雲菴

翠峯回抱鬱蒼官絕境軒橫杳靄間老矣瑞峯詩僧
應健在護持長伴八龍閒

宇文周末年大禁釋教有曇延師者趣隱北山久
之有樵叟日來聽經后師道成復有七人者來師
問故曰余八人皆龍也其一已傳師教故余等亦
來受戒

一徑縈紆入杳冥望山迥矣陽明欲知眼界寬多
少放出秦川似掌平

層巖重倚尚斜陽山下風煙一漫蒼恨煞愛山王老
子不來同宿贊公房

暮煙遮斷嶽蓮青低壓河流一線明已被山靈嫌俗
駕更堪留榜彥倫名

安然乘馬到奎蘿一笑山間對鳥窠詩句滿前拈不
得風煙遠比石樓多得一作出

鐘聲出谷尚依依穩送詩人帶眼歸自笑野猿山鳥
性夜深幽夢到崑崙

跋提刑王副使航海圖

天險無踰海與江得人一輩即能航懸知恢廓高宗
志夢繞商崑夜月蒼

鱷翻鼉作大江流舟楫顛危咽掉謳忽展畫圖還自
悟當年風雨過封丘

遊普救寺

晚寺人歸憶會真夢雲花氣鎖窓春重簾不隔西廂
月一點香來是襪塵

讀破口先事跡

釋氏功夫向上尋一身歸寂雪山陰片言能脫盃城
命以似先公濟物心

贈松蓬姚道人

一龕塊坐已忘身陸海虹蓬剝有春却為梨花枝上
雪等閒踏破綠苔茵

臨晉道中

野雪晴消痛道泥茫茫銀海際煙霏日斜信馬中條
北愛煞山光照客衣

春雪

小雪霏微不滿空亂穿庭樹舞春風餘威似掣調元
肘不與東皇擅化工

曳龜圖

馭說闌翻已自欺更堪身世兩相遺抱麟痛為東周
泣爭遣宣尼不及時

公堂午吏散一首

吏散公庭日轉西蟻旋蜂閑靜無時人無定志堂居
遠悄悄孤懷抵自知

清明后一日作

里巷春遊開鈿車午窓睡起日西斜閒書讀罷焚香
坐淡對一枝山杏花

卧數牕搖對日曛一簾晴影弄游塵鄰牆幾片桃花
雨點破苔塔更可人

懊惱春悵困宿醒偶隨游子到溪亭多情幾行城南

柳三度春風見汝青

跋李提點和甫筠溪亭和甫開封人早年
應神童

碧鮮庭户玉瑋珠影透疎簾翠幾重中有道人高節
在青青初不易秋冬
洗耳無煩近穎川虛心獨愛此君賢何時拄杖敲門
去讀罷離騷聽夜泉

題鄆縣簿雷損之景程齋詩卷

道統幾微孰繼傳景程還得此君賢須知二帝三王
事要似仁民愛物先

理窟名言媿典墳發源伊洛見經綸千年鄆杜遺風
在更着雷卿繼後塵

題曰使者王泉垂釣圖

渭水應未兆非熊底是曾
蟠萬丈虹辦與澄湖三百
頃一絲斜裊綠揚風

挽平陽教授崔君度

心醉群經四十年老成身後見
波瀾蒼涼一片姑山
月空照先生首藉盤

孟浩然灞橋圖

金鑾消息遠相招雪滿吟鞍
過灞橋處士本無經世
志強將詩句在清朝

高鳳溧麥圖

疾雷破柱雨翻盆
瓴墮何煩顧惜頻
恍為把書都不省
先生應是太癡人

跋蘇武持節圖

使奉往返見交兵老我何嘗繫
重輕已分橫身膏草
野茂陵松柏夢秋聲

君臣義合以忠持十九年間節
可知邂逅論詩幾悔
玃區區才得典諸夷

兩行衰淚血霑襟一節疇
恩北海深衛律有知慚
即死更來游說此何心

慶趙汲古八秩之壽劄樂天體

人生八十今極壽况復兒孫
滿眼前汲古園中趙夫
子燕京城裏地行仙

摩挲金狄門前客精健者
曾英會裏人坐對天津橋畔
月池塘春草幾回新

卷三十五
宗慶初年紫組綬至元八載享康寧人間八秩風流
事無似君家種德馨

至元辛未歲八月十二日拉馬都事才卿
遊韓氏南莊歸効樂天體得詩十絕皆書
目前所見覺信手拈來也

開門不問主人無幽鳥飛來應竹呼僮僕也知賓客
敬與奴白飯馬青菊

吟鞭踏破綠苔苔自掛幽軒數菊栽半日杖藜橫膝
坐絕勝前日醉歌來

浮雲冠蓋六街塵老盡朱顏白髮新贏得身心兩閒
在水邊林下果何人

滿庭竹影鎖秋煙倒盡池蓮細菊斑牆外綠畦澆已

影枯棹閒

淡忘機山鳥山花笑我癡萬事看來皆儘
閒林遣世人知

臺涼吹晚留連樹繞崗田自一川野菽未霜溪柳
煙光輝是早秋天

園松菊餘秋色趙氏林亭滿夕霏人自晚年便靜
每來吟賞便忘歸

雲煙樹事幽尋指點平蕪趁醉吟但使眼前無俗
一杯時與野人對

墨淋瀝字半斜枉將霜壁亂雲遮一杯先洗黃泥
泥我閑情遠世譁

蛙鳴水底強為聲酒盡沙頭卧玉瓶我自近來無不

是白雲舒卷暮山青

裴晉公綠野探梅圖息軒筆

淮西平一兩河清綠野梅花照眼明
霜鬢未容閒裏老南枝消息要和羹

當年韓白兩辭人吟賞天教在相門
邂逅有詩窮勝事氣伶疎影月黃昏

東臯八詠為趙參謀題

匏瓜亭

君家匏瓜盡鐘鼎金王雖良適用齊為報主人多醪
酒葫蘆從此大家題

李齋

人生知足一瓢多未老得聞非幸何堪笑矯情揚子

幼鳴鳴空縱醉時歌

東臯村

陽春門外望東臯三載相邀醉濁醪
早晚洄溪溪上路拋花紅雨滿漁舸

秋軒

草盛苗稀苦見侵荷鋤歸晚月生林
湏知種豆南山意雄有淵明識此心

遐觀臺

自說無堪不出村一杯蕪菴樂閒身
就中不負登臨興滿眼青山是故人

清斯池

塵冠挂後無纓濯漁父從歌濁與清
待與田家占水

早年年池上听蛙聲

流憩園

養素丘園趣已成斜陽林影着春耕手中三尺枯藤
杖不羨人間六印榮

歸雲臺

從龍致雨固油然巖壑歸飛意本閒况是東臯已露
足不妨來伴宿簷間

夢中又賦開元御馬圖

毛龍天降馭龍韜歷塊過都乃爾曹安得錦韉三萬
騎冷浮秋水下江臯

子寓舍前有所謂水官珠者客曰此即意
竝也因呼兒採實作詩以識之

堂前意故因人悟不處嫌疑信至言豈獨非妻成貝
錦令人還憶伏波寬

讀開元雜事

水殿涼多暑氣微薰風華萼正相輝爭教明月梨花
院玉笛啞長到枕幃

興慶宮池景氣深薰然四海友于心讓皇篤愛情尤
切力為君王辯八音

海棠紅綴棣華零樂裏西涼已變啞揔把大衾長枕
夢老天移魄入華清

歸志來圖

長沙勲業武侯忠劉宋規摹操懿雄唐焰儘烘寰宇
裂五株楊柳自春風

彭澤遺黎不幸何斜川魚鳥共婆娑
先生踐迹高千古不似終南捷徑多
解綬歸來百日強東籬松菊未全荒
細觀歷贊高賢傳一出頭來恨已長

煮茶

拓腸拍塞貯春雲洗盡囂煩六府昏
山水策勲存夜氣大河流潤下崑崙
宵中宿酒開殘兵一椀澆來陣敵平
濛頂得仙疑安語月波千丈與詩清
瀟瀟風雪薄盈窓細貯搶旗煮夜釭
若論廓清真武事一天幽思爲詩降

四皓圖

羽翼橫飛四皓鴻焚歌悲絕趙王宮
高皇英睿商顏節俱墮留侯計畫中
萬古規摹一漢皇保全母后捨傷王
商山邂逅招園綺出自留侯畏呂強

題揚息軒盤谷圖

石峪盤盤百畝蒿野壘秋色淡林泉
雄文一出潮陽筆頓覺山人索價高

閔山秋霽圖

望京樓上晚凭欄長記居庸八月還
一段紫壘吟不盡枉分秋色與南山
生平懷霽是初心捲盡江山萬里陰
十載夕佳亭上客卷中還對玉千岑

竊感叩角圖

舜授堯傳老不逢商歌愁絕國門東小哉恨煞夷吾
器竟列齊桓五霸中

五王避暑圖

翠幄留香郁棗華紅雲縈暖鵲鳴沙豆萁不免陳思
嘆朱李寒泉是浪誇

蓮鳥窺魚圖

甯距初非搏擊流翠香深處樂清幽游魚何限相吞
噬豈得臨風一瞪休

門帖子

廩食京華兩見春全家飽煖荷深恩自慚補報應無
地夢到青蒲白獸尊

題袁安卧雪圖

曲突無煙雪擁關引書高卧自怡顏須知四世三公
業不在人情冷暖間

突不煙黔雪擁扉一編犧易療朝飢火城莫羨沙堤
相論士當觀未遇時

窮巷無人與叩關長安風雪一家寒挺然不為飢驅
去肯逐時人作熱官

題顯宗承華殿墨戲

大青小青兩龍種承華墨戲真天人春思欲見昇平
事立仗歸來不動塵

題東海徐白魚

點額雷燒不到渠相忘何必在江湖細吹藻荇充饑

了兩頷腥涎儘自濡

酹祭宋先生子丑六首

山立揚休七十春
閒中今古醉中真
傷心麗澤堂前月
空照先生漉酒巾
一代波瀾獨老成
百年人物見耆英
茂陵身後多遺藁
一賦梅花到廣平
我識空澄海印心
生平遊戲在禪林
寶珠儘照青藜杖
雅韻先空綠綺琴
玉堂仙去渺翩翩
冷落梅花樹下禪
疇昔過庭言在耳
炷香傾酒大蘇前
水映林亭竹映山
四時風景樂天閒
一從零落丘山廢
頃覺風光向客慳

酒榼詩筒白玉珂
春風到處是行窩
百年愛仰都人士
哀比羊曇淚更多

跋龍陽拾隱圖

學窮象數別穿深
又向龍陽得洗心
前日小山叢桂客
不煩春草賦歸吟

承華殿墨戲圖

天廡雲屯八尺龍
總輸神駿付青宮
細看絕電流雲筆
天寶諸王恐未工
主人愛馬憐神駿
一骨千金十襲藏
却恐雷霆還下取
九重天上看龍驤

感寓

逢人驚問但慚然
自信文淵老益堅
來坐癡牀一千

日恰如無事草鞋禪

至元七年十月廿二日過順州與梁御史
話金節侯剛忠王公子明死節事馬上為
賦此詩以吊州舊治唐歸順州見大曆五
年試太子洗馬鄭宣力所撰開元寺碑
雉堞蜿蜒隱塊城剛忠於此歿天兵千年英氣如生
在草木風前動戰聲

題趙仲器銅芝蟾瓶滴

坡陀金背兩眉蘇不屬官池與研居老筆策勲餘潤
在一生何啻五車書
足跡蹒跚几研間太陰何苦汝為餐寸腸不磔盧仝
鐵更吐陰寒上筆端

題張慶卿雙清圖

月影水魂奪化工將湏真是不煩公漫山正有間桃
李爛熳春風幾日紅
花充品格黃華筆一段風流付後人誰為九衢塵空
底兩枝搖蕩浙江春
淡粧踈影兩依依點綴橫斜畫擬宜恰似孤山籬落
畔小溪如練月如眉

王右丞輞川圖

騷詠禪談意未央敢湖堂月嗜微茫園林鍾鼓清時
樂好箇裴公綠野堂
狀物何如及物功開元真宰說姚崇未妨僦屋招提
裏斗米三錢四海同

凝碧池邊野鹿過空垂雙泣賦悲歌論忠不到平原
列馳譽丹青未足多

文彩風流映一時丹青三昧有餘師戲將萬斛歌湖
水寫盡南山五字詩

遷張氏新居田首

我自三遷到異隅市朝雖近似郊居東鄰有竇西鄰
許不羨門多長者車
院靜窓虛添景間戎葵凝笑海榴丹莫令兒輩輕傷
折為與渠儂理一般
聽雪思堂與筆耕主人寓意強為名錙銖得及斯民
了日出何妨事又生

羞將勲業鏡中看不為無魚動劔彈兩鬢捲隨霜簡

白寸心虛傍日華丹

題秋江月夜摘阮圖

玄壁朱絃激烈聞縱橫詞舌得儀秦忘言何似陶元
亮直作羲皇向上人

易水悲風動急彈小絃鏗爾摘銅丸多應一片松梢
月併入茅亭作夜寒

闕下元日口號五首

筍班春仗簇初齊轡馬行牽望拜時臘雪未消雙鳳
瓦春風先到萬年枝

平明瑞雪滿蓬萊島樹瓊花次地開人在建章馳道
外四邊鞍馬唱歌來

建章宮樹玉嶙峋雲近蓬萊氣自春帳殿忽開齊舞

踏紫衣獨見海東人

春前移仗島東邊大禮稱觴最重年何幸小臣陪虎
拜一杯春露共瞻天

千官錫宴瞻天喜萬里休兵立仗閒擬効堯封三獻
祝太平

天子壽南山

魏豹故城

兵涉西河豹出迎
姬還作漢儀程事機倚伏真相
戲一笑長驅過故城

題解梁解壁

立隴依稀井幹殘人家煙火甫兵還就中不負官曹
眼簿領當前坐看山

再過絳陽

二年三度過金臺盛暑祁寒不憚懷卧聽水聲何所
憶一軒秋兩竹間來

夜宿李氏林館

困眠欹枕未容休睡起關心事竄幽鷄鳴一
聲恣色
曙月明滿地綠陰稠

禹廟

大地河山繡錯明野童孤廟枕荒城杜鵑饒舌知何
事血洒東風怨未平

路村道中

鹽澤條山動寵光天書來坼紫泥香老瘿扶杖欣相
告五十年來未省嘗

解州廳壁題示

至元癸酉夏五月二十三日奉宣

明詔至於解梁因得王黃州壁間所題辭
池詩本云鹽池之大自唐以來凡臨蒞者
無一辭以紀勝槩觀覽之際憤然成章或
繼之者寔自予始僕竊有所感焉因勉成
三詩以附驥尾之末庶幾因公而使天下
知有渾云借來者府兵曹解楨子公孺侍
行承直郎平陽總判汲郡王暉題

物色分留付後人暗將風雅欲誰親
琨珠在側知形穢尚友何妨繼後塵

日融池面爛生紅更着南山障碧空
一夜高臺汗如

洗州人說是廣南風

解梁城下解鹽池萬寶騰光奪日輝
我欲大觀窮造化窟乳泉一賦了天機

題平正縣鋪樓壁

盤盤峻嶺上青山兩度南來點鋪翻
叉手老兵前致語此回霜鬢又如繁

秋澗先生大全文集卷第二十五

秋澗先生大全文集卷第二十六

七言絕句

華岳廟留題

朝來松檜重煙霏
仰面蓮峯翠撲衣
自笑愛山心不足
日斜猶未駐征騑

祠前喬木老輪囷
闕盡長安道上人
千古倚空仙掌在
好爲回首障兵塵

蓮峯卓拔見雄尊
干劫孤撐碧玉盆
總被少陵收拾却
諸山羅列似兒孫

乖崖一出著高勳
回首猶慙華頂雲
應笑豹林种處士
擬將虛譽售時君

東登岱頂雪彌空
上徹中封侶不逢
應喜此行何豁

啟青天白日對三峯

渡渭有感

當年尚父欲誰親八十四來釣渭濱
馬上行人應未老莫教虛負百年身
秦亡漢起兩悠悠總把興亡入海流
汀樹岸花三百曲煙波都屬釣魚舟

安邑道中

六合雲蒸一氣埋際空秋稼未
枯亥馬頭赤日疑無色望際青
林雨氣來

洪洞道中望霍岳諸峯

老澗灣環兩翼分一川草木氣如
薰土人更說山靈異欲雨先占霧
頂雲

留題霍岳

喜遂平時景霍心適逢嚴祀一登
臨感通固愧潮陽筆霧雨重開萬
壑陰

山腰明霽靜煙霏岳頂雲濛淡欲
飛岩壑侶供詩筆徒法身都掛六
銖衣

題讓橋

死堅鐵石表孤忠一水曾蟠萬丈
虹太史注書隨俠例豈知風義本
無同

過益昌橋

盤盤危磴轉山腰下瞰長河漲怒
濤霍邑南邊趙城北蒲頭風雨過
昌橋

霍州

四雍中坳一豢宰快心唯有霍山高一條畝水從中
過日夜隔城聞怒號

跋范蠡歸湖圖

霸越高動土苴如五湖歸隱號陶朱扁舟共載西施
去却恐時人是厚誣

題趙城縣環翠亭

秀色四圍供坐嘯山城終歲早休衙陂塘清淺知秧
稻畝嶺橫縱看藝森

簡城南北幾經還赤日紅塵赭背顏歛得解鞍心適
喜暫容高卧對東山

趙城道中早發

積雨晴來露氣餘風枝成滴草垂珠衣半濕溪邊

路長記郊原五月居

跋米元章蘆雁圖

西風萬里下衡陽水宿雲飛固自雙侶為叫群心事
苦不教相映睡秋江

煙渚潮空退暮沙依稀寒影落蒹葭何人解化雙飛
翼拍拍隨君問使華

甲戌歲門帖子

全家恩飽荷恩榮闔郡清寧歲屢登蟻蝨小臣何所
報一公之外百無能

不求富有金成穴不羨官榮日九遷但願時和身健
在大家無事過今年

庖舍門帖子

王家供具乳蒸豚石氏庖厨蠟代薪二者侈荒何足
論一簞顏巷世歸仁

山市晴嵐

墟落人家半夕暉太行天上倚煙霏喚回二十年前
夢共伯城西載酒歸

古栢寒鴉

亂鴉蒼栢晚相依流水孤村白未奇恰侶首陽祠下
看夕光翻影上枯枝

松蔭寒泉

坐蔭髯龍夢已醒更堪幽谷亂泉聲遙知綠綺相逢
夜幽思中含太古情

雲竇飛湍

千丈懸淙落碧霄百岩回望冷瀟瀟若爲借得天瓢
手傾向人間救旱苗

蒲中十詠爲巖卿師君賦并序

中條山水雄秀照映河華予兩年以事抵蒲略
獲遊賞然雲煙勝旣旦夕不去其懷嘗思以數
語道其髣髴心在而未暇也至元十年秋九月
蒲人師巖卿拉王國器李仲和張師諸人携酒
過門盃數行袖出錦囊巨軸曰此河中十詠也
因徵詩於不肖逮明年甲戌正月辛巳予以微
恙閉閣少休隱几瞑坐神與境會既覺晴日滿
窻幽思發越眷焉十題卒然而就顧不足發山
水之清音聊以移方寸而外形骸也且爲四老

人一盧胡云

蒲津晚渡

落日西風送棹謳行人無數立沙頭君看一葉顛危甚苦不忙時且少休

舜殿薰風

巖廊蕭洒壓城闈解慍歌殘又幾秦一道殿簷涼侶水至今猶有夢華不

虞坂曉發

雞聲茅店月微茫山遠行人促曉裝良驥馳隕身自健不須拭目認綵揚

首陽晴雪

前冬兩拜首陽祠野雪搖光晚霽時蒼栢蒲山人欲

去亂鴉翻影上枯枝

鶴雀波聲

洶洶河流入斷山馮夷無力障狂瀾乘風破浪他年事且挽清雄上筆端

東林夜雨

瀟瀟風雨暗秋山聲滿疎林萬珮環拂曉開門看晴霽白雲依舊伴僧閑

林亭夜月

大內扶君不見人野煙碧樹總傷神應怜一片林亭月曾照司空泪滿巾

王官飛端

石竇懸流雪練飛夜深和月映松扉恨予不遇貽溪

老一笑山間說化機

西巖豐獻

東山如髻鬱重重人倚栖巖第一峯似是晚煙開畫
幃濃揮淡抹闢羊容

媽汭夕陽

溪痕春漲碧迢迢一帶斜陽映野橋風土亦涵鰲降
意野花如靨點裙腰

贈寫真賈生

氣兒昂藏野鶴姿賈生模寫有餘師情知不入麒麟
畫剛天朝飾羽儀

寄李裕卿

山中風日淡無輝山下騰光欲爍衣辛苦南州李從

事三年其柰肉山肥

交游過眼日紛紛故舊如君有幾人岸憤一樽蕭寺
月此回談笑更情真

過橫望嶺

終日山行不厭山出山聊喜慰衰顏朝來橫望開頭
路滿意風烟着洛川

澤潞即事雜詩一十首

醜恩三接無旬浹春日春衣未足多沙上歸來聞好
語誓殫忠力更無他

裴翁祠晚夕陽催野色橫川組練迴我數固多多已
辦不愁歸路碧崔嵬

自古徒兵澤潞雄選齊尤見四州公堂堂氣與聲聲

壯閃閃旗翻日脚紅

獵獵清風偃旆走南風不競此先徵朝來小試青油
底一鼓仍驚氣倍增

闐闐風外鼓聲乾小隊紅牙入細看自古中原雄莫
敵麟符唯到漢家壇

萬命安危一將懸成功端在得人先長江儘飲天山
馬節制應須闔外顯

角聲催日上牙城白羽風清坐閱兵盾鼻恐煩磨檄
墨莫教華髮舞閑生

一檄風馳萬有降天兵開國古無双寄聲壁月瓊枝
客鐵鎖休誇一葦江

結求征袍總白丁淮陰一將便橫行蕭條此意千年

後正賴桓文節制明

嗚嗚殘角過三吹整整魚麗待一揮曉涼更覺軍容
肅露濕朱旗月滿衣

太嶺道中泉眼并雜詩

路長坡峻一層層六月行人困懣蒸多謝山靈解煩
喝一泓澄徹冷於冰

來路蒼蒼不可尋山風吹馬下遙岑望中斜日行雲
掩遠嶺橫分一半陰

長松磊落不凡材風拂煙霏畫障開端似高人在岵
壑苦嫌塵土不歸來

千古雄藩入控連瀟瀟旌旆莫愁邊最冷天壤清涼
界欲買西山二頃田

路州爲太行
清涼境界

太行南走百山門
崗執力回環
淺作盆瀟洒
綠陰臺館
靜平時尤見使君尊

過遊僊李節使墳

大定明昌五十年
當時人物玉堂仙
朝來書案山前路
瞥見堂封一概然

遊青蓮寺

上方層閣倚晴煙
回合諸峯聳碧蓮
午枕不容詩夢
就天風吹雨下危巔

山間一雨衆壑轉
石砢崖聲若雷
殆侶山靈詫清
駛夜深還到枕邊來

夜過關嶺山

畫鎖壺關戰氣昏
自環長塹作孤豚
紛紛彼校何爲

者媿煞新聲欲死言

夏縣

一縣陰陰夏水清
大賢司馬小賢城
河山依舊英靈
在重爲生賢作國禎

虞鄉道中

長纓風笠葛衣疎
裝就唐人早發圖
只有才情渾不
侶馬頭吟久却成無

猗頓道中

玉繩西轉啓明東
熱擁長途似火攻
辛苦平陽王判
府三年三伏走蒲中

跋蘭昌宮圖

宮斜春草暗驪陽
花底春雲覆苑墻
忽覩翠輿金銀勺

事世間疑有返竟香

乙亥歲門帖子

三年判府初無補一寸孤衷老謾丹
最喜元正即春節併將和氣到門闌

李潛宛馬圖

李生鞍馬見金初彷彿像殊方
職貢圖今去玉門途萬里
總隨鞭策入長驅

丙相問牛圖

牛來近地暑光微深愧調元相業非
後世幾人能辨此濟車甘受野人譏
用唐宰相揚再思開坊門橫水繪事

謝太傅東山圖

金黎陽李公恭筆

鳳沼春開湛綠波未容絲竹醉
崑阿儘能經濟蒼生

了七寶裝嚴未是過

秦兵一掃兩淮清桓氏微來晉鼎平
况復中年正多感未妨雲壑生寄高情

四皓圖

事定歸來權隱深皎然松雪映雲林
寥寥高誼千年後侶覺元之策賞音

先生節義重丘山冠珮遙瞻漢嗣安
莫以隱淪忘世論一身歸索果何難

苦諫臣通已謾為一書光動紫巖芝
後人只說安劉重不道留侯策更奇

顯宗墨竹

離離香粉淡爭妍莫作荒寒景趣看
絕侶承華宮檻

卷二十六
九
畔春風和露濕闌干

一枝蒼雪映遼江滿意春煙鎖建章監國撫軍仁孝
在不應游藝較蕭郎

雲溪先生畫像

大定明昌五十年聲明文物出中天畫圖一識雲溪
老者舊風流隋龍前

訪京師故里

四紀光陰黍一炊重尋陳迹已都迷百年風樹悲涼
底更遣朱衣問碧雞

秋夕早起

鏡裏顏蒼鬢雪如憂心中夜轉民區開門看雨驚連
夕堂下秋蘭恐半蕪

聞方響時過一第宅

丁東鏗憂碎瓊琳掩盡朱絃窈眇音花外粉墻遮不
斷珮環清徹洞房深

壬申門帖子

任運喜尋蕭遠論廣驗慵擬楚人辭里兒莫訝三冬
蟄一寸丹心用有時

題王仲通二夜亭

治葉倡條占好春轉頭紅雨委芳塵歲寒伴我初心
在二友歸來是故人

得失之間勢利交膺肩何翅夏畦淡交自得志言
友醉眼頓蛉視二豪

此君高節對髯龍雪壓霜封傲睨同不羨杏梢春意

閑等閑開謝是東風

酒蠅開集露餘瀝火鼠潛趨媚竈炎誰似歲寒亭上

客儘將冰雪澡吾廉

老眼相看十五年青青節操貫時賢自怜蒲柳非真

質兩鬢秋風久颯然

題卜隱王君手軸

洛陽織畚王丞相異事驚逢少室羽我試問渠曾見

否秋 天子夢非能

百年人事有乖通萬彙流形本不同付與君平都一

笑滿簾紅日落花風

大易幾微得最神闖懷陰并失崖垠坡仙有句堪書

贈醉裏微言更近真

有命何嘗論智愚班超傭筆衛青奴一從遇着

客閑氣骨中一點無

學術源同有淺深如君龜策入幽尋自怜一片靈臺

月才並明時被物侵

題松陰訪古圖

舟橫遠水翻蘭棹人倚長林諷楚詞却憶來河南畔

路松崗晴雪晚遊時謝司馬相公墳故云

春雲出谷圖

坤雲初出豈無心擬向人間作傳霖萬壑忽為風散

去卷舒應見本空陰

看雲曾上太山巔淡抹空濛總自然但慰幽人怡說

意故榮林壑弄春妍

牧牛圖

車邊起飯歌何烈角畔橫書世謾驚何但短僮無所
識夕陽村落見升平

溪橋風雨圖

前溪才渡又危橋風雨行人已倦勞更著客心孤迥
處遠煙明滅寺樓高

跋後唐莊宗按樂圖

王業艱難百戰開洛宮春色醉瑤臺那知兩部仙韶
樂總是君王火葬材
紅雲香暖翠屏閑橫玉聲清內殿寒誰道畫師無遠
意丹青應見守成難

群鵲古栢圖

振翮蒼巖控老拳霜空初不隔秋煙料應攫裂脩蛇
後相與朋來一若然

書盂中語

春雲容與春陰輕杏梢點紅楊柳青人在畫樓斜照
外秋千臨水影亭亭

春江獨釣圖

前金平陽人孫工

渺渺春江碧若空一絲斜裊釣壇風富春莫擬幽棲
穩已在君王物色中

峴山秋晚圖

春風漢水大堤平雲靜譙樓峴首青千古愴懷羊太
傅幾時親酌玉雙瓶

伐石東崗得小山一抃雙峯並秀若夏雲突

元者因命曰湧雲僉謂名之甚稱作詩之

坤靈疑秀幾千春一日佳名號湧雲淡僻性便雖老
在自挑沙礫看奇文

孟光捧按圖為中主簿受之賦

噫歌裏動最欣一敬還驚按等眉想得主人茅宇

下肅雍形出二南詩

具門煙暖褐衣輕春賃中間見本情豪蕩阿戎那解
此夢回青瑣得卿卿

稠禪解虎圖

宋均政異於菟去魯宰風行野雉馴誰為碧崑方外
客等閑藜杖也通神

楞嚴堆案滿疑塵山下閑來解虎紛千古阿師公案
在寶香燠徹百崑雲

乙亥重九日客 臺鄉板橋里

滿川煙雨對南山冷淝重崑細菊班不着白衣携酒
至卧瞻橋字已開顏

無人對菊情逾遠有酒盈樽意倦斟十日板橋田舍
底似教平子遂初心

依依墟落俯山郊雨濕炊煙覆屋茆一夜秋風籬木
葉露巢高下見林梢

瀟瀟山雨暮寒生漠漠青林宿鷺橫把菊珮萸俱寂
寞卧聽簷溜走湍聲

一官殆為公田林塊坐渾疑野老禪我喜靜中觀物

化鹿臺風景似斜川

疊嶂相連老雨昏
秋香狼籍擁籬根
野情本與漁樵熟
共席來傾老瓦盆

百年悲感登臺社
四座驚看落帽嘉
野鳥送歌人勸酒
閉門風雨醉山家

山中佳節欲何酬
醉裏閑書醒不休
共着一樽相對慰
藉李卿申子兩江州

讀易龕即事

竭來採石事間閑
却得幽潛兩月閑
准擬後人重到此
指名王子讀書山

十三年四月十九日待中樂渡

泛泛輕航破浪花
春風自信動檣牙
不煩更擊中流

楫六合澄清到一家

宿開封後署

拂拭殘碑覽德輝
千年包范見留題
驚鳥繞匣中庭拓
猶畏霜威不敢棲

許昌道中望三封山

大河失險已無金
不待釣臺一雪深
十萬選鋒同日死
西風吹恨滿遙岑

跋松風醉歸圖 南陽備端卿藏

不向東華踏軟紅
慶歸丘壑洒松風
夜深健到山間石
吹萬從渠總不同

危行危言到兩難
炎涼時事旋相看
放教兩耳秋風裏
待與髯龍約歲寒

題煙江疊障圖

楚水吳山萬里秋，風帆吹飽北來舟。
應憐滿眼新亭客，空對江山雙淚流。
江上晴嵐萬疊山，幾緣亡國帶愁顏。
而今一統無南北，滿意風烟送往還。

昆陽道中同陳節齋考試河南

官事無涯有限身，拚教赤日走紅塵。
十年薄宦崎嶇裏，笑煞義皇向上人。
朝趨長路暮鄰亭，遠自南陽到洛京。
馬上唱酬三百里，宦遊無侶此回情。

路氏子榮養堂

遺羹親拜封人廟，戲彩重登路子堂。
二事半生俱不

逐看雲淒幽夢，我章

退思亭詩卷

退食歸來靜掩扉，比量心事到精微。
今年京洛重相值，一話能知五十非。
滿壺清醕薦柔毛，一尺甘膏遍洛郊。
總道使君誠意格，至今歌頌滿衡茅。

拜狄梁公祠下

取日虞淵力儘多，洗光重照舊山河。
雄忠既入周人列，似覺文公立法苛。

京西道中

漢家綿蕞要齋郎，見說趨程舉子忙。
一道綠槐梁苑樹，輕花也學十分黃。

怨笛落江梅

鏡裏青鸞怨獨棲月邊疎影伴橫吹誰怜一曲春閨
思箇裏幽香是素知

栢鄉光武廟

上谷兵威突騎良風塵河朔入披攘蒼涼鄴邑祠前
月曾照君王萬歲觴

臨制亡疑見理明治隆三代所由行竟從讖緯論邦
計地下桓卿恨未平

宮武當年兩虎臣丹青千古照麒麟十年紫禁煙花
底判府歸來恐笑人

麥飯蕪萋誓不忘肯教大樹日蒼涼竭忠竟得來吳
輦何慮蜀蛙不并亡

山行雜詩

川隔寒山日上邊榭林平抹霧煙齊晚涼貪趣征驛
健換却西山四五題

亂山合沓四圍青行近星軺路漸平大約太行吾時
腹一重一掩總天成

入山不比出山寬回轉青林路詰盤曉色漸分煙店
近苑寬園上記曾看

太行元氣老洪濛草樹風前帶潤容山色只宜差遠
看近移空翠上高峯

西來游宦半忙閑六日迢迢道路間回轉羊腸三百
里天教馬上飽看山

入雲蒼嶺望中賒石逕蜿蜒走白蛇見說碧峯爭秀

麗不愁車馬下狼車

過山陽縣題七賢祠

不到山陽二十年黃墟空瓊竹林煙盧胡笑煞嵇劉
輩又向西山着祖鞭
七賢來為此君遊終歲相看散百憂却為歲寒貞節
在十年憔悴伴人愁時竹禁嚴故云

山行雜詩

門前流水屋頭山馬上行人盡葉間清化許梁三十
里只除天許此中間
錦窠蓮炬竟虛聞五馬西來忝幕賓以為愛山緣分
重着詩模寫太行真

過濯漉城

炎漢淪精到此灰獻皇空使後人哀篡成不獨曹
罪須信桓靈是禍胎

路入蕪城漲麥雲獻靈千古廟猶存一杯誰着濁漉
水少為征西酌餞規

題馬坊

久遊都邑無明畧出判名藩媿不才忽得解鞍俱忘
却一聲幽鳥竹邊來

題山陽七賢祠

黃塵換盡豸冠霜薄管驅人抹火忙
水療飢猶勝食官倉
勺七賢祠下

山行雜詩

山下良田苦不多耕來山頂作旋螺薰風五月燕南

道千里黃雲際兩河

唐叔虞廟

巍然遺廟枕城崖霸業桓桓自此開剗地不銷昭伯
血瓜分何為出公哀

潞公亭

唐都東望故城荒澮水翔山半多陽前日潞公遺愛
在至今亭構比甘棠

陽城道中

兩極坡長馬力窮澤南百里水泉空朝來丹心東邊
路始見河山大地雄
南來但為亂山囚後擁前遮苦見留多謝鍾靈不嫌
俗坦然煙谷縱鳴騶

守歲夜宿太陵田舍

今年除夕苦羈栖着我西山更向西一簣太陵田舍
火雪龕孤坐聽猿啼
田家無物具茶餽爐火龕燈連曙明野老向人無別
話新年時熟長官清

過郊底村聽田父話陝州事

張姓名一曾
授棗州軍判

離離殘雪點山郊老樹冰崖映斷橋縱使林泉有佳
趣住山活業本蕭條

野叟龍鐘百戰酣目光如炬尚耿耿阿欽一死無由
得對坐從渠說趙三

時欽教在阿不罕
元帥府作經歷官

新道成試車東下寄德昭書史

千仞谿山險已平朝來喜逐炭車行兩鄉父老來爭

賀萬事元翰有志成

野步

曳杖山行記可遊崎嶇初不厭經丘靜冷苔色圍孤
石閑愛長松蔭碧流
大石橫崖亂作曾偶來孤坐適幽情春生先自溪流
見暖散冰泉繞舍鳴
蒼澗行歌不見人草心泉脉動朝曛溪邊倚杖看來
夕沙水空明散錦紋

秋澗先生大全文集卷第二十六

